

INSULA PRINCIPIS. ANNI BONI INSULA. 605

instar degit, thalassij coloris: solum subvertens: hoc omnia longe lateque infestat, arrodit, absumitq;. Reperi-
tur etiam in hac Insula Avium ingens numerus, Perdices, Sturni, merulae, Passeres virides modulantes, & Pstta-
ci. Urbem in ea Lusitani condiderunt *Pavosa*, ad flumen, in qua 1000 familiae creduntur habitare, praeter
Episcopum aliosque ordinis Ecclesiastici homines. Portum optimum omnemque saluberrimum habet. Ad
piscationes incitant in Mari omnis generis pisces. Imprimis vero res miranda est infinitum numerum Bale-
narum conspiceret, quae in hoc, & in reliquis Africae littoribus reperiuntur. In media Insula mons est valde ne-
mosus, qui perpetuo nubibus tegitur adeo densus, ut ex Silvis aquae manent rigandis Sacchari arundinibus
sufficientes: quoque Sol est sublimior, eo magis Caelum est circa Montem illum nebulosum. Incolae partim al-
bi sunt, partim nigri. Mirum quod narrant, nigros admodum Pulicibus, Pediculis & Cimicibus infestari: al-
bos neque Pediculos, neque Pulices, neque Cimices in lectis habere.

*Animalium va-
rietas.*

Urbs Pavosa.

Mons.

Insula Principis.

HAUD procul inde, citra Aequinoctialem tamen gradibus pene tribus, *Insula est Principis.* Haec ex eo
nomen traxit, quod *Principi* Portugalliae hujus Insulae reditus esset assignatus. Satis culta est, & proventu
Sacchari celebrata. Crescit & in ea Palma, cujus supra mentionem fecimus, ex qua succum eliciunt, quo,
sitim levant.

Unde dicta.

Soli fertilitat.

Anni Boni Insula.

ANNI boni, vel de *Annobon* Insula, sic dicta, quod sub novi Anni auspicia detecta fuerit. Ea ultra Aequi-
noctialem Austrum versus pari intervallo sita est. Inhabitata est: sed ad ejus littora optimae piscationes
sunt: atque his locis Pisces volantes interdum apparent. Crocodilorum etiam hic ac venenosorum
Animalium incredibilis copia. Atque haec de *Guinea* & hisce Insulis, deque *Africa* haecenus dicta, suf-
ficient. Libet autem adscribere Coronidis quasi loco, quod Aeneas Gazæus Graecus Scriptor retulit in Theo-
phrasto suo, sive libro de animarum immortalitate, & resurrectione mortuorum, Martyres ac Sacerdotes ma-
gnae Libyae, evulsa a Tyrannio, & excisa ipsorum lingua, nihilominus clare locutos fuisse, ac annunciaisse animo
hilari ac magno Dei magnalia, quod obstupefactum se vidisse & audivisse commemorat. Qui porro, quam
ego attuli, plura petat, consulat moneo ex veteribus Salustium in bello Jugurthino: Hannonis Africae circum-
navigatione apud Arrianum: & Iamboli, apud Diodorum Siculum: item Melpomenen Herodoti: Ex recentio-
ribus Aloysium Cadamustum: Vascum de Gama: Franciscum Alvares, qui Aethiopiam perlustravit: Ioannem
Leonem, qui omnium accuratissime eam descripsit: & Ludovicum Marmolium: item Livium Sanutum, &
alios. De Nilo fluvio totius Orbis terrarum maximo, extant litterae Ioannis Baptistae Rhamusi, & Hieronymi
Fracastorij. Nos ad tertiam Orbis partem Asiam pergitur.

Unde dicta.

Gggg iij

In Asia